

南潯志卷十

里人周慶雲纂

宅第二

秉經閣 在南柵外乍安兜善田張氏宗祠內明初張立建
紀氏文昌閣 在西柵紀家壩久圮

〔明董嗣成驟雨夜集紀氏文昌閣時予即發茗溪矣〕高閣
憑虛敞平臨四望遙日光含雨腳雲氣抱山腰曲與龍吟
度風隨笛韻飄夜深惆悵別孤枕自寒潮

〔方熊潯溪竹枝詞〕鳳皇池畔書莊圮白雁兜旁花墅空惟
有三層樓尚在幾經易主笑春風

雲興閣 在北柵外雲興寺旁董漢策建久圮

南潯志

卷十 宅第二

一

蓮閣 在大宗伯第內愛蓮池上董漢策所築後裔孫董慶槐
居之易名芳蓀閣

〔董漢策蓮閣卽事〕清香來快閣我亦愛蓮羣生計惟秋水
閒身比墨君歌搖千樹月書散一牀雲戶外傳車馬悠悠
吾不聞

紫香閣 在石澥張肩所居

〔張肩已巳夏六月潯暑異常雲間沈恪庭攜伴弄琴閣上
了無貴介氣別後思其真率雋永故寫此以誌余懷也〕明
秀西偏高竹林琴從三泖愜幽尋移宮換徵聲如在聊藉
瑯玕寄此心

按張肩畫立幅竹石題此詩有
紫香閣小印其畫藏慶雲處

凝香閣 姚景熹曾居今無攷

姚景熹題凝香閣前梅曾向西湖幾度遊孤山山下再維
舟空傳和靖千株好不及蘭仙一樹幽庭際雪消香滿室
夜深人靜月當頭年來好作維摩伴病眼吟看興未休
〔又正月十四夜歸書凝香閣壁〕一間破閣寄江皋衝黑歸
來酒未消祇有梅花清不寐夜深相與伴無聊
〔又過舊居凝香閣見梅〕滿庭風雨小窗寒一樹疎梅放未
殘腸斷凝香人不見夜臺何處寄花看

留雲閣

在東柵總管堂後西偏樓屋吳江張澹曾寓此閣張

鑑爲繪留雲閣圖

按圖藏
慶雲處

〔沈登瀛留雲閣圖記〕潯溪之東有道院焉俗名總管堂堂
後西偏有樓翼然境幽僻余生長於潯三四十未嘗一

南潯志

卷十 宅第二

二

至道光庚寅之冬盛澤張徵君春水來寓於茲因造訪焉
登而四眺頗極軒敞西則市廛鱗次而不染囂塵南則帆
檣出沒往來於俄頃間而無風濤之險東北則平疇千畝
碁布星羅洞庭兩山若列屏障震澤浮屠亦可指點而得
登臨風景四時皆宜相與歎賞者久之但深惜其無名請
於春水春水曰昔人有言一片墊心已被白雲留住子固
出岫之雲而不能作霖雨豈其有墊心乎遂顏之曰留雲
閣而張明經秋水先生又爲之補圖余因知二公之用意
深矣潯雖偏處一隅然名人逸士流寓此者代不乏人如
元則有龐夷簡明則有李臨川王元趾潘友龍 國朝則
有周草亭諸先生是已至若袁胥臺知其法華庵矣孫

孟樸則築梅館居矣黃九烟隱居於墨溪矣茅鈍叟嘗主
豐草庵矣謝散木自題談昔齋矣又若張西廬有遷居之
意見董若雨之詩張懸渡寓於夕佳樓見楊秋江畫冊與
君同姓者亦不止一人乃數百年來欲求其留題下榻之
所已杳不可得無他地雖以人傳然無其人則不能傳有
名矣而無圖以徵諸無詩歌以紀之則傳亦不久久且無
從與無名等今西樓得春水寓之名之已足以傳又得秋
水之圖諸名人之詩歌則其傳無窮吾知他日修潯志者
必大書曰留雲閣者卽道院之西樓以寓公張某而得名
也可以按圖而索豈不大快是樓若待春水而開矣余爲
茲樓幸且爲潯之後人幸故不辭而爲之記

南潯志

卷十 宅第二

張鑑道光辛卯三月爲春水仁兄譜留雲閣圖兼賡廿八
字掃地焚香倚夕曛夢痕初靜絕纖氛他年人記吟詩處
正似無心出岫雲

金錫桂留雲閣圖白雲靡定姿舒卷隨所適好風偶吹聚
蓬蓬去無迹小閣壓清谿幽人此焉宅點筆面晴嵐關門
坐遙夕題詩鴻爪留明發又于役我勞未如何停雲思脉
脉

姜宮綬題留雲閣圖飛雲去住本無心縹緲奇蹤何處尋
差幸有緣留得在不教大旱望徒深 閣懸一榻伴雲眠
延攬溪光到檻邊記取千秋作佳話此中曾卧赤松僊
溫文禾題張春水留雲閣圖虛窗三面拓朝烟山色湖光

滿眼前客似閒雲雲似客日高猶宿翠微巔

〔奚疑客冬奉訪春水仁兄於潯東留雲閣今夏重過茗上
出此圖索詩率次秋水明經韻〕訪君曾記話斜曛茗盃熏
爐少俗氛小閣三間窗四面不留塵客只留雲

〔沈雷留雲閣圖〕半窗遙岫一硯冷雲伴君吟嘯我亦鷗群
〔周鑾辛卯天中節登榆蔭樓春水仁兄屬題留雲閣圖〕一
片閒雲偶出山留時猶似在山閒閣邊鷗鷺休相笑雲自
無心任往還

〔邵芝生留雲閣圖〕笠湖峯影落窗前洞壑清幽住卽仙出
本無心留亦好望雲人倚夕陽天

〔邵增齡題留雲閣圖〕小閣臨溪曲片雲將夢還心胸開拓
南潯志 卷十 宅第二 四
處林外不多山

麋月閣 在東藏寺吳江吳鳴鏘曾寓居

快閣 在南柵朱瑞瑩述園中高三層最宜遠眺今歸梅氏園
已廢而閣尙存

藝圃 在鷓鴣溪南桂芝房所居

〔張鑑藝圃圖跋〕古之習隱者入山深入林密其清常畏人
知故漢韓康賣藥自晦爲女子所稱蓋隱有若是之難也
潯有沉默之士桂君芝房少不慕榮祿居鷓鴣溪之南得
隙地名曰藝圃不侈不陋琴書清潤暇則偕朋好觴詠其
中名花珍藥洗滌塵慮知其避俗也深矣已而慕柴桑之
風編籬落植菊予嘗於暮秋邀友人過之翛然移晷幾不

知身之到雲林堂清閣閣翌日以是圖來屬題復歎薰習之暫不過一長安賣藥人僅識其名而欲心知其意蓋亦難矣

黃葉臺 在豐草庵中

松月軒 在鎮西九里朱鳴村元褚氏所居縣志作閔家兜

楊維楨松月軒記吳興東去若干里其聚為南潯褚氏樂閒居之世家在焉至正甲午先廬遭兵燬其子質字彥之重創別業朱塢溪上蒼松夾徑數百植林下石牀雲磴蔭以重軒時焚香讀易其下月夕則鼓琴或歌騷或與客嘯傲賦詩仰聽虛籟俯席涼影儼然物外境也遂即松月扁其軒

南潯志 卷十 宅第二

五

君子軒 元時姚氏所居今無攷按管道昇畫竹立軸上有跋

云至大二年四月二日吾妹魏國夫人仲姬見訪於南潯里

第燕坐君子軒寫此幅姚管道昇識汪志按軒疑在北柵或

洗粉兜姚氏元季自安吉遷吳江康熙初始遷潯蓋元時潯中自有姚氏今有南北兩姚家匯而北柵外地名有姚田姚家兜姚家灘明時尚有築退庵之高士姚某姚氏之盛可知其人為趙子昂僚婿而其妻亦工翰墨意必風雅好事者子昂有與直夫姨丈札託其南潯購物未知即其人否惜載籍無徵名爵莫攷并仲姬有姊知者亦赴矣又潯溪文獻引書畫錄名媛元時陳自幼能書適南潯姚氏蓋姚氏之婦世以書名亦韻事也

臨水軒 在圓通庵中明華士嶠有題壁詩今無攷

醉漚軒 在蓮溪上董漢策所築久圯

董總次韻鑑平溪上醉漚亭枕碧溪濱冒雨誰來共墊巾收拾煙雲開倦眼平章花鳥趁閒身柳陰眠水深遮月竹

翠迎風遠笑人正及池塘春草發夢闌得句不無神

董漢策醉漚軒閒坐天地容吾老乾坤一水漚閒雲來野
渚寒日上危樓煙葉霏霏雨蓮衣黯黯愁桓伊吹半闋風
急起眠鷗

又季夏微陰同温子蒼來張子潛庵李子正平家胎簪叔
次阮逸羣兩弟玉禾姪小飲醉漚軒觀荷獨樂園開水繞
廊碧筍半頃雨餘涼醉吟有曲聲無譜茗戰微酣韻自長
玉樹雲連深見影渚蓮風澹靜聞香捲簾忽見瀟湘意會
着無衣攬眾芳

來月軒 在青霞樓旁庭中牡丹一叢花開頗盛

董渭題全夫弟來月軒此身不受俗塵蒙曲檻虛窗興未

南溟志 卷十 宅第二

窮琴韻微聞綠拂榻茶煙忽亂爲通風日移新竹搖簾綠
蜂帶殘花落硯紅幽境唯吾頻往返高談常見月如弓

嚴遂成來月軒雅集軒臨荷花池集者九人董訥天景純
扶搖承餘對颺皆昆弟也異姓謝文

若王翻如及余開軒月未來荷氣襲寒濶賢哉東道主又錢薦魚

韭經遠于思髯將軍箕踞座之右文若尾以短主簿偃僕循牆

走承餘長身賴其面扶搖白晳濯春柳翻如山心厭軒冕景純虎氣

騰牛斗對颺年都講訥夫時爲鬪分題唱一和者九嶰管

雌雄鳴鐘筵大小叩譚紛脣外焦聽勑耳內吼殷壁鄰里
罵觸屏童僕詬日沈未許歸歸輒挽其肘明日亦復然卯

來去以西歡獲十乘珠愁埽千金帚賦別良獨難歸夢落
虛牖夜寒雁叫羣殘月照魚留

汪延澤來月軒牡丹一綫貓睛認舊圖天香裊露染襟襦
月痕正午花尤豔粉本翻新合再摹

巢軒

在東柵下塘董漢策讀書處

董漢策賀新郎癸未甲申兩載在水南巢軒讀書與友人
王元趾陳星隱顧龍隱畢澹鷗顧芷庵相聚甚樂所著有
巢軒詩稿計然子老子注等書淺架藤陰屋幸窗外蘭松
相向伴予幽獨助我論文花共酒晤對人人如玉碧天新
蘸雲爲靨深夜月明誰識我有苦吟聲當橫吹曲賦垂成
飛金粟觀之不足梅和竹較文心眾花無色瑤華新沐
筆繪函關描畫得文喜先生含蓄兼霸越强吳蠻觸到今
朝書藏花谷鶯鶯燕燕還能讀千重意芭蕉束

南潯志

卷十 宅第二

七

藤語軒

在白雪齋旁

別有軒

在雨蘭谷南

見月軒

在薇林書屋北

容安軒

在南柵且住園南董燠讀書處

董燠渭瑄兄以容安軒唱和見示次韵奉呈阿兄超詣不
求安屋宇無多儘覺寬庭只半弓聊種植架堆百卷細抽
看孫劉雖隔曾無恨求點相逢詎鮮歡不是寒泉有家法
誰能於此樂瓢簞

愛日軒

在西柵西吊橋西北吳巖所居後歸沈氏道光中沈

登瀛重葺更名深柳讀書堂見前

丁蟾乙未二月八日柵村齋中盆梅初放見招小飲時昆

弟晚青 山秀 翠亭 霞 暨陳君冠峰在坐余獨後至率賦以

柬諸君春園小盃逗清香小飲花前醉日長傲骨自堪方

鐵幹醜顏羞更對紅芳韶光易逝嗟時暮舊雨難拋戀夕

陽休笑竹林來獨後牀東還喜晤元方 時陳君新爲桐村館甥

辟塵軒 無攷

紀遠辟塵軒偶作溼雲零亂雨初收落日殘霞憶客秋賴

是閒情消執熱綠窗紅友看西樓

容膝軒 紀氏故居今無攷

紀峻容膝軒木香盛開奉兩世慈親飲酒其下容膝軒前

春正芳當軒如雪開木香香風拂拂度短窗窗下設酒娛

高堂大母奉一卮願祝樂無涯老母奉一觴願祝壽而康

南潯志 卷十 宅第二

八

大母老母相顧歡當筵骨肉看團樂媿無祿養千鍾厚只

有菘衣五色斑喜著斑衣侍膝前非闕醉態舞蹁跹對花

惟願春長好一息時存喜懼年

讀書軒 無攷

計發讀書軒訪桂有懷崔渠珊瑚嶺南幽軒草木自紛紛爲

訪巖花步屨勤天氣温于春澗水客懷莽似暮山雲枝高

那許旁人折香遠應教隔巷聞擬向南中反招隱年年叢

桂怨夫君

惜茗軒 無攷

姚景燾惜茗軒偶書雨前茶葉不多槍睡起新烹蟹眼湯

瓶蕊落殘重插蕙鑪煙消盡更添香魚噴水沫翻晴沼蝶

抱風花弄夕陽最愛青林陰處好蒲團移近石闌旁

思賢齋 在南柵外善田灣元張士諒所居

時習齋 明董庠所居今無攷

泉石齋 亦稱泉石居在西柵紀家壩明紀廷鉞所居

明袁表同文衡山過潯留紀氏泉石齋賞菊秋後菊逾芳
花前席對張綴金紛間色錯錦列成行細蕊朝承露繁枝
夜避霜幸逢投轄主爛醉短籬旁

紀端泉石居所集名賢作長歌以紀其遺事泉石遺廬二
百年庭中列坐盡名賢今日清風白雲裏所聞往事猶能
箋一庵初結峴山社社散來談禪與仙白華樓下鹿門子
一觴一詠兼管絃文章行誼驚海內吳中名士各駢肩

南潯志

卷十 宅第二

九

衣緋色捲簷帽衡山醉倒竹窗邊白楊老筆追米芾子傳
傳粉薄黃筓二公文氏稱高足攜來硯席果翩翩風流勝
會今已矣門外老樹色蒼然詩畫還存十之一餘皆零落
等飛煙客來指點舊風景斑斕半壁字嬋娟袁公會謫茗
溪驛春風一棹寫花前

紀峻泉石齋感舊前哲結幽賞曾來泉石齋名詩遺破壁
細草滿空階矯矯庭中樹喧喧露下蛙古人不可作懷抱
向誰排

元覽齋 在大宗伯第內明董嗣成築董廷勛讀書處

白雪齋 在東柵下塘明董嗣成讀書處董漢策重築

明董嗣成小齋初成率爾紀興兼訓方文明李白父諸丈

久厭朝市喧幽棲託蓬門心期仲蔚宅敢擬辟疆園隙牖
青霞入閒除碧樹翻將迎余欲絕枯坐已忘言 孤蹤希
獨往長揖謝人羣故址聊新構空齋滿白雲山中攀桂樹
谷口挹蘭芬復有瑤華在悠然淨世氛 闢地聊當隱誅
茅暫屏蹤開軒數竿竹隱几一孤松有客題凡鳥無人識
臥龍遠公時共語清夜坐聞鐘

董嗣成姚伯道昆季留飲白雪齋卽事賦贈簪纓舊說中
丞貴車馬今容下客過不是高庭輝棗萼誰令幽賞附松
蘿杯傳玉乳清炎氣偈有金仙解病魔時子適有微病且
爲生作偈故云
明日五湖煙水棹思君遙在白雲阿

董漢策白雪齋先光祿讀書處歷年傾圮稍稍葺
之兼擴數椽仍舊名者不忘本也先人有

南潯志

卷十 宅第二

十

遺構遙傲雪堂名鏡月照皇古冰心入太清曲終琴解和
聽靜竹傳聲對此悅幽素臨軒棊几橫

澹月齋 在洗粉兜華士嶠水部第中

范錯潯溪紀事詩遺愛松溪善頌皆指陳利弊凜冰懷歸
田不少吟詩興秋掩梧桐澹月齋

靜歛齋 在高暉堂內明董斯張著書處

明董斯張靜歛齋雜詠畫菖蒲是宣廟御筆刻藤掃微絲
龍跡眞軼羣至今九節香還帶空同雲 許君贈予何首

烏植之庭神枕誰相授丹砂餌詎能朝來欺素髮已種夜
交藤 紙糊窗膩粉置窗側衣之高麗繭短簷風任吹深
夜月長展

又春暮楊若木王秋朗過訪齋頭孫孟璞吳驥如趙長文
陳校書同集分得兼字不因知己到何日起湘簾燕市人
相向東山月必兼歌絃垂手艷觴政畫眉嚴却如宵闌易
輕撓未肯淹

又辱朱相國冒雨問疾小齋偕虞卿長文留集木蘭花老
誰相期車騎到門人不知病中垂訪蒼蘚滑酒次賡歌黃
鳥遲中根上根藥草雨三日四日幽風詩東方儘可了公
事儻許張玄來對碁

又孟樸見過小齋夜集閱孟樸豔詩雨苔綠逾月觸眼少
成歡人在句中畫天於離後寒坐深溪柳臥春住砌花單
吳會浮雲滿予懷溯逝湍

南潯志

卷十

宅第二

七

又丁巳晤于昭彥於雙徑今乙丑相過別逾八年矣小齋
留集喜賦一首正月凌霄峰上雪千秋句曲洞中人歲華
誤客真容易朋友聯袍亦有神桐徑埽花留夕語桑鳩喚
雨如晴春綠君領得麻姑好幾日松齋共擘麟

張雋同王元趾集若雨齋執琰言別聯句爲贈盡說雲門
家可移結巢長恨未能爲孫文非今日三年藥病是吾儕

一字師雋半幅寒香心在畫殘更舊緒客留詩涪攄梨橘
柚雖多味無舌人看總不知雋鳧鶴從來不可移盡將

好事讓人爲雋世情老閱方尊我農譜新翻便得師涪一

笑幸圓懷友夢無端又作送君詩雋此宵靜歎停杯意應

有蘭亭花露知涪西吳一席又將移更有同聲恨爾爲

雋 陳章侯詩恨 姓氏不忘終我崇文章何苦作人師 涪

王元趾滯西吳 未橫雪竇千枝杖非續松陵雜體詩 雋 落落此中難舉似半階寒月或相知 涪

范錯潯溪紀事詩 文章佛事作同科靜歎齋頭善養病憔悴當年瘦居士閉門長日著書多

密齋 在蓮漪草堂後董漢策習靜處

董漢策南歌子 獨坐密齋嘯倚窗迎月吟成雲到門青鞵不踏落花塵堪笑風翻桃葉自紛紛 悟後方知過心雄

澹更真立中着到果何人縱有赤松黃石總傳聞

擁默齋 在薇林書屋西

餘素齋 在西柵紀家壩紀官所居

南潯志 卷十 宅第二 七

董熄過紀丈餘素齋 時雙目以病而瞽 望衡祇隔一溪清屣步斜

陽略約橫樂府新聲屬張籍野亭舊史訪邱明撐腸尙有書堪味著眼都無事可驚獨向寶雲尋活水安瀾不與世途爭

紀官庭中 礙簷一架薔薇葉堆砌千層苔蘚痕新引草繩纏白荳預期荷柄代清尊

又冬日書齋 一分清味十分飢豈是詩人果不肥寂寞硯田無稻穫老晴天氣晚鴉飛

又晚坐齋中 盡日馳驅細較量是非相錯自徬徨假饒緣督無關事已負瓶花滿室香

又門前 溪南一角暮春田小立斜陽起爨煙市尾路通村

口路賣書船次載花船

〔又戲題書齋〕止水蓄文蛤蛤化與石同竹簾礙遊蜂枯死
綫光中江湖氣浩浩春風蕩無窮淺盆窗隙間力盡何由
通憐此二物微書以銘西東

〔又窗下〕已翦薔薇漏日光恰逢梅雨暗閒堂抄書且喜無
來客得句何須更舉觴紙上揮毫聲颯颯靜中磨墨色蒼
蒼流觀山海圖間事也勝擔簦萬里行

談昔齋 在南柵泰安橋東謝洲所居紀遠館於此

〔紀遠紫薇賦序〕唐人作牡丹賦有朱槿灰心紫薇屈膝之
語余嘗以爲不平戊寅之夏讀書於謝氏之談昔齋適有
紫薇一本當暑盛開乃邀次調同賞因而賦之

南潯志

卷十 宅第二

三

〔又談昔庭前疊石爲山詩以落之〕便有林泉興何須更逼
眞想從雲際出應與畫家論已覺消煩暑還疑遠市塵爲
山非是假託意在斯人

〔又談昔齋送炭〕謝家風味滿屋春臘夜分暖送烏薪建州
茶鼎烹活火疑是金谷零落珊瑚新不須鄒子漫吹律俄
頃曲身已覺成直身袁生高臥東郭履從此歡聲動隣里
五言不比春草工聊復濡毫效嘖耳

〔又談昔齋紫薇盛開聊短述寄次調〕爛紅滿庭當炎午二
月芳菲那足數百回繞樹看不足尙想清談此揮塵初疑
異種天上來人間局促那能開散柯布葉亦澹蕩牡丹芍
藥眞凡才又疑前身生絕域海底珊瑚好顏色何年移自

水晶宮秀出瑤林描不得露濃花重曉風前一枝低亞態
更妍霓裳羽衣難可擬飄飄直欲凌神仙偏偏反反新月
下獨伴竹窗近風雅夜闌淡沲燈炷餘影入書幃更瀟灑
落花委砌似殘春覓句如花尙未親幾度呼僮花莫掃閒
愁留與探花人

〔又春盡日小飲談昔齋因作送春詩寄次調〕春風拂拂吹
綠深愁人無那百愁侵叵羅痛飲三百釃送窮乞巧難追
尋忽思今夜春盡夜欲買春風定無價我今頽唐成老翁
醉面不必桃花紅百年夜夜須秉燭相期莫負杯中醪

〔又早春過談昔與文來昆季夜話積雨阻春信梅梢花未
放閒過竹林社胸次覺朗暢鄴架盈縹緗諸子皆傲儻封

南潯志

卷十

宅第二

十四

胡與遇末相期千載上庭前列嘉卉疊石疑煙嶂時作洛
生詠羣從自頽頽我來解榻懸況復憐疎曠盤殮出郇厨
醅醪醉家釀因之笑口開談昔以慨忼夢覺聞暗香栩栩
神亦王恨無適俗韵常恐動得謗乃知臭味同流言豈足
廷

益齋

在大宗伯第內董友松讀書處

古香齋

在大宗伯第內董揚讀書處

〔董揚春日古香齋偶詠〕買山不必更求貲簾閣晴窗頗自
宜但有梅花供客笑更無塵事皺吾眉攤書女喜摹奇字
撫几兒能誦好詩閒裏風光皆屬我一杯談笑互栖遲

青鏤齋

在紀家壩紀汝霖所築

紀汝霖新構小齋卽事小構初成意若何但能容膝且高歌空憐帝子神鷹杳難覓王孫駿馬過天上金雞聲久寂

池中彩鳳種無多莫言此處無魔障愛慕牽縈卽是魔齊東

偏卽御書閣後有金雞衛鳳凰池俱古蹟

又招吳靄村陸少翁董佑渠小集青鏤齋餞秋時湘客舅

祖在座淅淅西風滿樹頭招攜勝侶散閒愁風塵于我曾

無得物色催人不少留一酸欲酣桑落酒半生難足蟹螯

秋荒庭凡卉俱衰落只有黃花未肯休

心香齋 姚景熹所居今無攷

姚景熹心香齋卽事一睡午方覺檐前日已西蘭衰香氣

薄茶熟沸聲低嬾半由無子貧惟累有妻山僧頻寄信開

南潯志 卷十 宅第二

五

緘得詩題

又醉題心香齋壁小飲東籬下銜杯復放杯情隨天際遠

愁傍醉邊來霜蕊猶舒豔丹心肯作灰匣中孤劍在壯節

向誰開

又心香齋北晚步萍消砂淨水粼粼岸幘披衣向晚晴黃

葉村邊人獨立白雲天際雁孤征參差野色蒹葭動斷續

寒聲機杼鳴吟盡夕陽無好思澹煙輕靄小橋橫

兩廡齋 在南柵華家橋北顧壽松所居得周子邽父廡及王

宜人廡以兩廡名其齋杭州鄒壽祺爲編兩廡齋藏器目

薇林書屋 在蓮漪草堂西九宜樓北董漢策所築後歸汪氏

嘉慶中汪延澤重葺更名五架三間新草堂

董漢策薇林書屋落成有賦宅西別構數楹顏曰薇林書屋朝夕吟嘯其中長吟

豈復歎知希耐久香林且下幃萬點花飛酣蝶夢一庭雲

臥掛荷衣隨人木偶看嘖笑伴我松圍共瘠肥仰睇薇垣

發清慨誰從安樂得先幾

董蠡舟潯溪棹歌蓮漪風皺野塘均當日徵君此結茅想

見薇林消夏地半池涼月浸花梢

董恂讓庭舅氏營別業於潯溪趙味辛司馬顏之曰五架

三間新草堂作此誌賀五架三間新草堂御河東畔水雲

鄉經營白地功非易卜築青山願竟償曾是薇林徵士宅

旋成竹里右丞莊地為先徵君公薇林書屋故址剛逢燕到吾同賀手寫

洪麻作頌章南簷北戶費籌量五架三間新草堂餘地

南潯志 卷十 宅第二

六

儘教多種竹好花更欲別開莊欄前涼月凝晴雪巢外香

風豔海棠堂之南曰晴雪山房西有海棠巢眼看落成吾反媿莫言相宅

似王郎詩軸琴囊載小航落花時節辦輕裝一家八口

舊仙眷五架三間新草堂位置東山花下席安排北海座

中觴畫圖倘要移居寫合倩荆關擘硬黃遶門一帶菱

荷塘何必桃花始姓汪前後門俱臨水夏時荷花甚盛居人稱曰荷花池頭小立夕

陽兒下學淺斟明月妾焚香九條七錄古書庫五架三間

新草堂更羨紅閨多韻事女相如亦擅文章始氏趙子逸夫人有瀨月

軒集來去何煩一葦杭吾廬咫尺恰相望也如乞墅頻談

弈還為探奇屢泛觴同訪古城思太尉約尋遺碣話康王

從今記取高吟句五架三間新草堂

南窗書屋 在九宜樓旁

董燿題竹隱兄南窗書屋世事年來薄潛身亦自宜松風
涼午夢梅雨戰新詩落拓寧違俗遊閒正及時興來誰會
得長嘯對清池 門徑灣環入輪轅未許通灌栽新事業
耕讀舊家風竹韻侵牆角槐陰落坐中南窗堪靜寄掩戶
樂無窮

董爝南窗次明軒兄韻斗室塵封久誅茅徑漸通只安新
粉壁不改舊門風影息窗紗裏心融卷帙中榮枯吾已澹
翻笑泣途窮

伊蒿書屋 在西柵紀家壩紀復亨所居

紀復亨乙丑冬自秋卿第遷伊蒿書屋四首又向潯川覓

南潯志

卷十 宅第二

七

住新相隨家具亦勞薪卜居未要求詹尹近市何妨作小
人藥爲扶衰尋籠貯犬因得食到家馴依然瓶盎無多子
卻帶睢陽舊麴塵 蠨蛸曳網罾寒蕪洒埽臨時與僕俱
燈檠折腰支壁立瓦鐺缺足倩人扶雨敲半落牆頭粉日
計旋謀爨下蘇蠹簡零星勤捆載世情任喚是迂夫 只
分巷後與溪干咫尺還煩眾力攢姑婦扶攜衝雪至里鄰
指點隔牆看酬人語拙家僮笑取酒囊空賀客寒北里弟
昆時見過繩牀土鏗好盤桓 貧家況味久侵淫買宅何
當五百金馬磨依棲欣促膝鷄窗燈火勉同衾蘆簾紙閣
心奢望茗椀詩筒力易任少住那堪猶未得入春征騎又
駸駸

溪南書屋 在南柵徐延祺所居

〔徐延祺溪南書屋夜坐〕卜築溪南小似艘夜深堅坐擁寒缸樓頭點屐塵凝几花影橫衣月在窗清景每從閒裏覓名心都向靜中降欲商草稿無從問比似疎鐘自擊撞

〔又溪南小築吾家書塾也幼時依叔讀書其中嗣余與兄弟輩各事傭書之役星散四方而叔仍授徒於此十笏之地徧植時花每返家庭輒徜徉不去焉〕朱魚潑刺爛如霞彷彿濠梁樂事誇移得茗溪盆盎裏一泓秋水白蘋花紫荆手植十年深到得春來最賞心似識謝家兄弟樂繁花開遍短牆陰山茶蓓蕾記初胎寄與僧房取次栽笑道花如誇衣錦不開時節不歸來街西聞泊菊花船移

南溇志

卷十 宅第二

六

得寒英繞座前燒燭夜深同射覆看隨醉影寫嬋娟閒替盆荷爲解嘲調停花性審肥磽莫因愛惜爭塗附一淡方成君子交去歲不作一花花開無月不嬌紅扶上筠竿錦一叢四季總輸三月好受恩深處是春風

拳蘿書屋 在東柵馬家港馮鳴盛故居

〔張鑑輓馮篋園〕蚤同硯席試聯牀六十年如掣電光績學竟虛登上第傳經差慰繼諸郎丹黃手澤文章稿桃李傷心弟子行他日墨溪回馬策拳蘿悽斷讀書堂拳蘿書屋馮氏舊齋名

淡竹山房 在少師第中明朱國禎所築

是亦山房 在通津橋陸氏所居

凌樹屏重寓陸氏是亦山房有感苔衣繡檻綠初齊曲曲
閒尋路未迷清供居然鮭廿七故人依舊屋東西襟懷聊
復同沂水時課童子六七人箋注何妨到玉溪一卷尙書全部論
古來不少樹雞棲 六州鑄錯事全磨馬帳重圍事豈圖
長物欲乾呵水硯小齋仍恃愛才奴花因久識惟含笑鳥
爲深知慣勸鋪好友任來今舊雨長安此遇故應無

又余作是亦山房感舊詩南谷先生見之有前識之言輒
依韻奉答稱柴數米闔闔風千金累置誇豪雄我輩磊落
那須爾不稼往往坐顏宗臨印移宅空四壁長卿豈必眞
愚蒙賣田買書古有是金墳石典富非窮列竹未看宮入
鳳刻牆竟遺齋盤龍君家舊識良可怪嗟余亦復制圓穹

南潯志

卷十 宅第二

七

山人頭銜署已久驚視先上此前權

是亦山房額本黃九煙書嫁名歐餘山人

方獻遂與余舊號適同

古墨淋漓黃九筆補脣那得落其中固知萬

事有前定桑薪豈敢怨熨熨小詩乘興覺昨非誤煩推論
稱愁工塊磊且澆破悶酒芥繆不掛吞雲胸婆娑玉樹消
永晝日高尙寐花影重側聞漢王重經術董生勉乎善爲
容蒲車翹待下西蜀士安立起風痺躬此時廣廈構萬閒
沾漑寒土零雨濛蟲雞得失誠細事浮雲不合礙高空

九曲山房 董漢策所築今無攷

董漢策季秋下旬同函之國風胎簪叔在九曲山房夜酌
連宵風雨酒能浣愁詩以紀之攬芳在茲辰相見翻惜別
風雨送雞鳴天爲別者設夜深聞桂香高談轉清切泉明

曠達意沈酣竟埋轍越石懷雄風起舞看迴雪咄哉世間
子背炎方炙熱大笑疑蠅聲紛紜亂蠓蟻鼠穴博道爭筆
端能喋血剛節豈保生爲齒不爲舌吾力學沈冥終宵誦
明哲京華夢中遊嚙語誇金埒騰怒飛劍光散愁馳駟賦
大文不可舒大白亦可涅與道同汗隆何必秋霜潔諸公
稱久要相對忘我拙樂此秉燭娛歌罷微言絕同是醉鄉
人獨醒向誰說

半屏山房 在北柵百間樓張升吉所居

張升吉半屏山房書懷吳興清遠佳山水取次歸田自在
身順命何須推甲子樂天不用守庚申五星奎照屏山外
萬壑雲連淡水濱今日故鄉甘息影舊存松菊正逢春

南潯志

卷十 宅第二

三

兩行楊柳夾潯溪門館曾無鳳字題主客且分牀上下弟
兄每占屋東西夢沈愁聽三更雁遊倦空言半夜雞世事
角張應莫定得安心處卽菩提 彷彿高人雅集團好攜
吟管記方壺團巾蕉扇傳名直石案瑤琴道姓蘇貧賤不
辭將玉汝周旋還喜有今吾南林親友如相問預擬煙波
作釣徒 曉風初日帶朝溫草木新霑養育恩千頃汪洋
搖麥浪數峰隱現繞花村紅蘭被露香稱祖菘竹驚雷笱
作孫譜入歲華辭太費只邀殷七細評論

曉宜山房 紀遠所居今無攷

紀遠春日雨中喜潘陸兩先生過曉宜山房夜話梅梢香
雪吐奇姿蕭寺高軒過訪時天外好風吹二妙燈前細雨

話相思青雲未敢晞劉瑀浮世何當識紫芝欲寫孤懷附
鴻翼自慚布鼓不堪持

又曉宜山房牡丹笑倚山窗亦自妍雙珠連璧帶朝煙徐
熙去後無能畫李白題來不記年未羨豪華足評賞豈因
荒僻減芳鮮無端吹放還吹落不信東風亦解禪

草草山房

姚澹楫所居今無攷

姚澹楫草草山房軒冕渾忘卻閒情共鹿麋幽花隨地發
野果隔垣垂雲散月初上風來竈自炊山房宜草草不用
尺題懷

又閒居茅茨常不翦庭草復齊腰性僻耽泉石才疎遠市
朝灌花蟻避穴移樹鳥迷巢落落相知少沈吟破寂寥

南潯志

卷十 宅第二

三

又幽居卽事擬居羣棄地松竹亂交陰室小堪容膝家貧
曠有琴舊書重自理幽夢續相尋悟我湛然性邀來月一
林

又小築水雲深處無人住我慣尋幽占得來草草結茅臨
碧澗小扉恰好對山開 調停詩味與茶煙冷落心情堪
問天自笑百頭無着處此身祇合水雲邊

晴雪山房

汪氏所築今無攷

董蠡舟小除夕宿晴雪山房敢望懸榻待且比掛單來力
士逃病閣屨王避債臺樽空愁不遣臘盡雪相催孤坐無
聊賴詩還一卷開

又十一夜皎月集晴雪山房用前韻蘭膏失喜乍收霖兔

杵流霜客袂侵
釘座脆梨明照玉謂積登盤生菜細鏤金
餅裁月樣團圓近
樽畫雷文激灩深絕似西園飛蓋夜君
才原不愧陳琳

又十二月望自寓齋歸有作
兒童齊下學懷抱頓生春負
債都償日休官自在身何能長息影且暫免
依人改歲如
彈指疲牛跡又陳

又正月二十一日題晴雪山房壁
橐筆仍來此書窗度日
昏妓難離樂籍職易稱晨門散地人無競
蒙師道自尊棲
遲俄六載日月似崩奔

又與子緘集晴雪山房卽席賦贈
叔倫詞賦擅朱子亦良
材共詡魚龍化誰悲蘭玉摧我尤傷
輔嗣人競比蘇瓌莫

南潯志

卷十 宅第二

問升沈事惟應盡此杯

歐餘山房

在西柵垂虹橋丁桂所居

許旦復丁子香歐餘山房書室三楹是向時被災後諸親
友所仗助成之者今遭此大火儼然獨存豈非天幸當年
遇火泣丁蘭母氏衰年失所安屋起杜陵看突兀盧成韓
子倍艱難百年人往三椽賸萬戶災來一炬殘恰怪四圍
煙燄裏茅檐高聳獨能完

聞籟山房

無攷

楊鳳苞同施二

國祁

聞籟山房看菊石壇風露覺秋偏招

得吟明預菊筵出院經聲清似水隔離山影澹於煙將開
白社邀元亮誰鑄黃金事浪仙今日明鏡方丈室軍持一

領小乘禪

攬菴山房 范錯所居今無攷

楊鳳苞上巳雨中嚴大 可均 攜酒招同王五 翰青 張三 鑑

暨舍弟鳳擊集范四 錯 齋中是日清明施二 國祚 以上冢

不至分賦盍簪期上巳勸酒過迂辛雨潑榆錢火觴分杏

酪春依然修禊事不作踏青人向晚簷花落蕭蕭冷食新

廉纖宵更急改席漫霑衣悵望龐公遠空嗟賞會稀賸

觚求避罰著屐判先歸何似羊劉輩詩成幸免譏

石林山房 在南柵華家橋北顧壽臧與兄壽松同居壽臧收

藏金石書畫甚富署其室曰石林山房杭州鄒壽祺為編石

林山房彝器文字目

南潯志

卷十 宅第二

池亭 在泌園中今無攷

明董份池上偶成故里存三徑臨池結數楹柳將波並綠

竹與石俱清杳杳看鴻去嚶嚶聽鳥鳴援琴鼓流水誰辯

曲中聲

又亭上築圃通幽徑憑池架小亭簾虛凝水碧幕敞映苔

青望野雲垂蓋開窗樹列屏倦遊非好隱漫擬少微星

荷亭 在蓮溪西亦名池亭董漢策建後圯嘉慶十一年裔孫

荃重建

董志林荷亭小飲同湘人荇菜風微間白蘋柳塘疎雨暗

紅鱗門臨溪水窗橫樹且住樓中未是貧

董友松荷亭春讌和溫北崖先生韻東風如有意柳眼為

誰開細雨迷花徑閒雲護碧苔琴隨山氣靜春逐鳥聲來
願共忘形容尋梅醉月臺

可也亭 在東柵馬家港呂學所居臨池環柳樹花羅石頗饒
佳趣今廢

友石亭 在南柵周昌富怡園中今廢

周昌富友石亭記

文見碑刻

巢雲館 在輯里村明溫濼所居

潘居貞仲春望日訪其旋夜話巢雲館小艇迎波數問風
到門恰好月朧朦松高無恙重增綠梅老向心更放紅握
手頓忘今日苦挑燈還憶十年窮德公德操慚相傍秋水
澄懷此意同

南溟志

卷十 宅第二

十四

董漢策温其旋巢雲館聽松虛堂無響清風來颯颯雲濤
千萬堆太空飛羽動四壁不覺天地同低徊主人冷澹多
高節對此雙松歎奇絕滄露披霜數百年歷徧春秋似鳴
咽不數秦朝五大夫寧學龍潛澗邊穴權奇囚縛不得平
紛紛怒氣爲秋聲金天奔走麟鳳語久之澹蕩如瑤笙聲
有萬兮聽則一靜埽繁音廢琴瑟忽疑身世在空山頓使
眼前煙火江村失

雲柯館 在南柵興福橋東明董嗣昂讀書處

明董嗣成過從弟仲頰雲柯館此地疑元閣吾宗爾白眉
窗芸循故業庭桂長新枝夜雨供難燭寒風好下帷願言
崇令德不獨慰幽期

陶館 在薇林書屋左

眠琴山館 在東柵通津橋東劉桐所居今歸金氏

曹言純春日同胡金題王鏞集眠琴館和蔣浩韻把君花

下酒相勸故人斟忘卻歡娛老依然懷抱深年光芳草蹟
日暮碧雲心別後意難寫洽洽清玉琴

孫枚題憶書圖為劉鴻漸賦記得藏書處牙籤插架深故
人嗟逝水山館賸眠琴遺跡飛鴻印前塵覆鹿尋不堪重
感舊撫軫寫愁吟

嚴可均劉小夢憶書圖君家疏雨我好友積書之癖與我
同別來江子亭邊樹終古山陽笛裏風人有微名都折福
世間豪舉總成空祇今說着眠琴館廿六年前一夢中

南潯志

卷十 宅第二

三

施國祁癸亥哭劉疎雨八首竟陵遊子綵衣歸喜捧烏頭

表舊扉寸草不天長恨在玉樓應夢到春暉春暉顧阿瑛奉母樓名君

於己未秋自竟陵歸省為節母湯太孺人請旌船燈弔影浪空匳斷雁遺音仲

氏哀頭白阿兄上牀哭傷心又自楚江來君長兄鳳和聞訃歸哭已逾月

矣楚江聽雁圖君哭次兄夢齋作過門倚榻盡傷秋懿望爭推第一流

飛騎頭銜歸白紵校書家世本紅侯吟聯楊秋室拙園范白舫

詩偏好論洽張秋水王雪浦學更精老我許陪成六客懷慚負

痛白須兄牙籤聲憂萬琳琅雅集重開寶繪堂莫話眠

琴山館事雲煙過眼小滄桑君家藏書數萬卷書畫亦數百軸眠琴山館君讀書之所

奈可金源往事尋窮愁慰我著書心淚痕夜夜看銀蠟

知已殘年分最深余校金史多從君借書遺經端賴後人賢失怙

嬌蟲最可憐天幸珠郎成立早再窺東閣有他年嗣郎時年十二

潛擘題幅奚君畫寄墨鳴哀淚暈新四十五年誰諱得

寂寥終古訪書人潛擘謂錢竹汀先生奚鐵生岡嘗為君寫訪書圖竹汀有跋

又乙丑重過眠琴山館再哭疎雨四首旌銜寥落總惟孤

一樹庭梅淚暈枯何處巡檐同索笑履綦塵跡滿寒蕪

山邱華屋總堪哀蔓草無時宿夜臺魂旆不前良有以哭

聲端貯素車來白紉屢有書來趣伊家畢葬事轉瞬祥琴服近除孤兒

義訓痛何如會須太乙藜光續好著青衫與讀書紫霞

腸斷遡眠琴范子楊侯別恨深君向道山憐我獨海天休

忘舊知音

蠅鬚館 張鑑所居今無攷

南溟志 卷十 宅第二

范錯張秋水明經招飲蠅鬚館愛君居故里著述理叢殘

久卻諸侯聘深知遠道難江關十年別雞黍一樽歡珍重

名山業松花滿石壇

修竹山館 在西柵米棚下孫燮所居

金錫桂修竹山館海棠盛開愈愚用東坡韻作詩索和斜

陽一段下高木好友書來破幽獨生香活色溢函表已撲

輭塵三斗俗太才奚翅干瓊瑰斗不能量量以谷髯翁別

來一月餘意謂稱貞徒縮屋著書勤或過運甓說士甘應

勝噉肉一堂晤對惟古人餘事讓人矜捷足豈知造物富

精英要賺詩人詩句淑有花不界俗客賞祇恐將軍空負

腹海棠一株獨贈君位置天然闢修竹招邀近局作邀頭

勝侶紛來刮雙目詩篇疊出峰巒奇屬者爲嶧獨者蜀名
繯利鎖亦何有騷壇應羨摩天鵠憐予吟事久頽廢惠以
琳琅感心曲偏師擬把長城攻力弱還愁笑蠻觸

小蓬萊山館 無攷

夏霖閨月同沈小香紀石齋秋壘味琴集小蓬萊山館坐
嘯行吟傲七賢蓬萊祇合佳神仙一時談吐皆高雅千古
風流幾少年歸燕綠翻芳草地夕陽紅掛棟花天閒愁亦
與春俱盡共約南湖放釣船

容厂 在藤語軒南

董漢策容厂 自軒以南別構虛堂曰容厂 泛泛滄江五石匏山河影裏

任誅茅半龕小雨鶯花國幾樹輕煙鶴鶴巢海嶽臥遊分

南潯志 卷十 宅第二

三

夢壘風雷空際捲靈旂從教丈室容今古玩世曾占肥遯
爻

元元室 在容厂東

雨蘭谷 在容厂西董聞京讀書處

榴龕 在大宗伯第內 汪志按陳寅清著榴龕隨筆蓋嘗館於此

董漢策榴龕詩稿自序 節錄 余所居非名山大川不足恣遊

覽遂寄意於草木性復嬾灌蒔凡草木之弱苗枯苑率聽
之天歲在己卯余生十有六年矣喜食榴則睡其實居無
何則叢生如小歲不察也越半載稍壯則植者倚者拳曲
者相連比如小兒蹴踏走階下始知其爲榴也稍雜其繁
存修榦數本如是者一年則大者如男子初冠弁小者如

髻鬢當窗楹間未幾則虧蔽日影密蔭竹榻益可愛如是者又數年則朱實纍纍矣余方箕踞日哦其下因題所居曰榴龕然當其食榴唾實時豈知有今日乎天下功成于不意道成于偶然類多如此者則余也殆將把酒賦詩淺歌長嘯拍浮呼榴以為老友

紅柿書寮 王鑄所居今無攷

施國祁哭王雪浦里社交遊屬紀羣忘年把酒夜論文誰知疎雨凋傷後又掬衰殘淚哭君君為劉疎雨姪婿 三吳文望

極搜羅小隱題看寫墨多名士由來真畫餅惜君抵死愛名何君有湖山小隱圖題者約百人 碑版琳琅耀墨池黃金散盡為書

癡清風自合留天壤說與時人那得知君家藏書不及疎雨而金石碑版過

南潯志 卷十 宅第二

三

之予嘗見蜀石經二卷王休肅堂集古錄張遷碑等 隸畫超超艷竹汀君善分書早為竹汀

先生架頭湘管已無靈病中許借分書手為寫章和古佛經病中往侯曾為君說四十二章經出塵羅漢事君欣然許予隸寫此經一冊以贈 向平願畢

也成塵奈把天緣問俗因不省陀羅三夢惡傷心等是出家人君兒女皆未婚嫁故用因果經文佛事 半生豪逸氣如虹座滿朋樽

酒不空痛絕柿寮談客散夜牀流照一燈紅君書齋名紅柿書寮

蝸餘草舍 無攷

董襄還潯溪風雨夜蝸餘草舍小集即事戊辰 蠻觸饒餘地空齋夜樂羣竹低疎曼玉石瘦皺添雲對酒聽風雨挑燈話典墳明朝埽花徑黃葉落紛紛

圓通精舍 無攷或云在北柵圓通庵內

潘樾章圓通精舍息疴喜同董誦孫甥宿宮精滌靈煩燠
況與靜者逢元樹忘山水幽期共菊松俱飛安貴鵠能臥
必真龍貞素存吾道追隨敢好傭

井眉精舍

計發所居

見張鑑崇禎五
十輔臣傳跋

南潯志卷十終

南潯志

卷十

宅第二

完